

आकाशवाणी

1. संचार साथी ऐप दी बधदी लोकप्रियता गी दिखदे होई सरकारै मोबाइल फोन कंपनिं लेई इस ऐप गी पैहले सवां इंस्टाल करने गी लाजमी नेई बनाने दा फैसला लैता ऐ।
2. केंद्री संचार मंत्री ज्योतिरादित्य सिंधिया होरें आखेआ ऐ जे नरेंद्र मोदी सरकार नै देशवासिं गी साइबर धोखाधड़ी शा बचाने लेई संचार साथी ऐप दी सुविधा उपलब्ध कराई ऐ।
3. दिव्यांग जन दिवस दे मौके पर राष्ट्रपति द्रौपदी मुर्मू होरें आखेआ ऐ जे भारती दिव्यांगजन खेडें समेत बक्ख-बक्ख क्षेत्रें च अपनी समर्थ दा लोहा मनोआ करदे न।
4. खजाना मंत्री निर्मला सीतारमण होरें अजज केंद्री आबकारी संशोधन बिल लोकसभा च पेश कीता।
5. सूचना ते प्रौद्योगिकी मंत्री अश्विनी वैशणव होरें आखेआ ऐ जे फेक न्यूज लोकतंत्र लेई इक बड़ा खतरा न ते सरकार ए.आई राएं गलत जानकारी फैलाने आहलें पर नेइमी तक्क रक्खा करदी ऐ।
6. विश्व मौसम विज्ञान संगठन एंब्ल्यू.एम.ओ नै एशिया च बड़ी मती बरखा कारण खतरनाक हाईं दी चेतावनी जारी कीती ऐ।
7. ते क्रिकेट च भारत नै मजूदा श्रृंखला दे दुए इक रोजा मैच च दक्खन अफ्रीका दे सामने 359 रन्ज दा लक्ष्य रक्खेआ ऐ।

<><><><><><>

Sanchar-Sathi App

संचार साथी ऐप दी बधदी लोकप्रियता गी ध्यानै च रखदे होई सरकार नै मोबाइल फोन बनाने आहिलें कंपनिं लेई इस ऐप गी पैहले सवां इंस्टाल करने गी लाजमी नेई बनाने दा फैसला लैता ऐ। सरकार नै साफ कीता ऐ ज कोई बी देशवासी जिसलै चाहग इस ऐप गी हटाई सकदा ऐ ते इस ऐप कन्नै उपभोक्ताएं दी सुरक्षा दे अलावा कोई कम्म नेई ऐ। संचार मंत्रालय नै इक बयान च दस्सेआ ऐ कि अजें तोड़ी 1 करोड़ 40 लक्ख लोकें इस ऐप गी अपने मोबाइल फोन च एअनलो करी लैते दा ऐ ते हर रोज धोखाधड़ी

कन्नै जुड़ी दियां औसतन 2 जहार घटनाएं इस ऐप दी मदद कन्नै सामने आवा करदियां न। मंत्रालय नै गलाया ऐ जे एह इक सुरक्षित ऐप ऐ ते एहदा मकस साइबर अपराधें दे खतरे कोला लोकें गी बचाना ऐ।

<><><><><><>

Sanchar Sathi Scindia

केंद्री संचार मंत्री ज्योतिरादित्य सिंधिया होरें बरोधी धड़ें दे जसूसी दे आरापें गी सिरे थमां खारज करदे होई आखेआ ऐ कि संचार साथी ऐप कन्नै ना ते जसूसी दी कोई गुंजैश ऐ ते ना गै एहदे राएं ऐसा किश कीता जाहग। अज्ज लोकसभा च इक सोआलै दा परता दिंदे होई सिंधिया होरें साफ कीता जे उपभोक्ता अपनी सहूलत दे मताबक पंजीकरण कराइयै इस ऐप गी सक्रिय करी सकदे न ते एहदा फैयदा ठोआई सकदे न ते जिसलै चाहन इसी हटाई या ब्लॉक बी करी सकदे न। उनें आखेआ कि नरेंद्र मोदी सरकार नै अपने देशवासिएं गी धोखाधड़ी शा बचाने लेई एह सुविधा प्रदान कीती ऐ। उनें गलाया जे लोक इस ऐप गी बड़ा मता पसिंद करा करदे न। उनें आखेआ जे संचार साथी ऐप ते पार्टल दौनें सरूपें च उपलब्ध ऐ ते एहदी विनाह पर गै ठेठ करोड़ फर्जी मोबाइल कनेक्शन अजें तोड़ी कट्टे जाई चुके न जिसलै जे 26 लक्ख कोला मते चोरी होए दे फोन एहदी मदद कन्नै बरामद बी कीते गे न।

<><><><><><>

Prez. Disability

राश्ट्रपति द्रोपदी मुर्मू होरें आखेआ ऐ जे कुसै समाज गी स्हेई मैयने च तां गै विकसित कीता जाई सकदा ऐ जेकर उत्थै दिव्यांगजनें कन्नै बरोबरी दा बवहार कीता जाहग। उनें आखेआ कि दिव्यांगजनें पर दया या तर्स खाने दी लोड़ नेई सगुआं उन्दे नै सम्मान ते गरिमा दा बवहार कीता जाना लोड़चदा। राश्ट्रपति होरें अज्ज नमीं दिल्ली च दिव्यांग सशक्तिकरण दे लेई राश्ट्री पुरस्कार समारोह गी संबोधित करदे होई एह गल्ल आक्खी। इस मौके राश्ट्रपति होरें दिव्यांगजनें दी सराहना कीती ते आखेआ जे उंदियां शानदार उपलब्धियां सभनें लेई इक प्रेरणा न। उनें टकोहदे तौरा पर खेठें राएं दिव्यांगजनें गी उबड़ा चुक्कने दे सरकार दे जत्नें दा बी जिक्र कीता ते आखेआ जे 2012 दे पैरालंपिक खेठें च भारत नै छड़ा 1 तरफा जितेहा हा जिसलै जे 2024 दे पैरालंपिक खेठें च एह गिनतरी 29 तोड़ी पुज्जी गेई ऐ।

<><><><><><><><>

## PM-Natural Farmina

प्रधानमंत्री नरेंद्र मोदी होंरें कुदरती तरीके कन्नै राई-बाई करने दे महत्व गी उजागर करदे होई आखेआ ऐ कि एहदे नै फसलें दी बन-सबन्नता गी बढ़ावा थहोंदा ऐ ते रूख-बूहटें ते माल-मवेशिएं दे सांझे अस्तित्व कन्नै कुदरती ते जींदा बन-सबन्नता गी मजबूती हासल होंदी ऐ। सोशल मीडिया पर इक आलेख गी सांझा करदे होइ मोदी होंरें देश भरै दे लोकें अग्गे आह्वान कीता जे कुदरती ते देसी तरीकें कन्नै राई-बाई दे ढंग-सरिस्ते गी अपनाइयै अगड़े बधन। उनें आखेआ कि प्रकृतिक खेती दी बुनियाद ते भारत दी सदिएं थमां चलदी आवा' रदी ज्ञान प्रणाली ते सिद्धांतें पर आधारित ऐ जेदे नै विजन रसैनी हेलें ते विजन सिंथेटिक खादें दे फसलां उगाइयां जाई सकदियां न। उनें आखेआ जे भारत दा देसी तरीके कन्नै राई-बाई करने दा नजरिया बाहरली चीजें पर निर्भर रौहने दे बजाय जैविक रैंद-खैंद गी परतियै बरतने ते मिट्टी दे नरोपन गी बनाई रखने पर निर्भर करदा ऐ।

<><><><><><><><>

## Sitharaman

केंद्री खजाना मंत्री निर्मला सीतारमण होंरें अज्ज केंद्री आबकारी तरमीमी बिल 2025 लोकसभा च विचार ते पास करने लेइ पेश कीता। एह बिल 1944 आहले केंद्री आबकारी कन्नूनी च तरमीम करने लेई पेश कीता गेआ ऐं इस बिल च तम्बाकू ते एहदे नै तैयार होरने उत्पादें पर केंद्री आबकारी टैक्स च बदलाव करने दी पेशकश कीती गेदी ऐ। एहदे च कच्चे ते तैयार तम्बाकू दे अलावा तम्बाकू कन्नै तैयार उत्पादें ते तम्बाकू दे वैकल्पिक उत्पादें पर एक्साइज ड्यूटी बधाने दी सफारश कीती गेदी ऐ।

<><><><><><><><>

## DPDP-Fake News

इलैक्ट्रानिक्स ते सूचना प्रौद्योगिक मंत्री अश्विनी वैशणव होंरें आखेआ ऐ कि संसद नै नागरिकें दे निजी ते व्यक्तिगत षेटा दी सुरक्षा लेई डी.पी.पी.पी अधिनियम पास कीता ऐ जेदे नै हुन देसै दे कुसै बी उपयोगकर्ता या व्यक्तिगत षेटा दा इस्तेमाल करने आहले कुसै बी आदमी कश इक सुरक्षा बवसठिा होगं उनें आखेआ जे एह अधिनियम पिछले महीने दी 13 तरीक गी अधिसूचित कीता गेआ हा ते इन्नै नागरिकें दे आंकड़ें दी सुरक्षा





## MCD-By polls

दिल्ली दिएं 12 वार्ड च होए दे नगर निगम उपचुनाएं च अज्ज बीजेपी नै 7 सीटें पर जित हासल कीती ऐ जिसलै जे आम आदमी पार्टी गी 3 ते कांग्रेस, आल इंडिया फारवर्ड ब्लॉक गी 1-1 सीट पर जित हासल होई ऐ। इस मौके पर दिल्ली दिएं मुखमंत्री ते बीजेपी नेता रेखा गुप्ता होरें इक सोशल मीडिया पोस्ट राएं सभनें मेदवारें गी ममारकबाद ते शुभकामनां दितियां न। उनें आखेआ जे एह उन्दे अनथक जल्नें, मेहनत, ईमानदारी, समर्पण भाव ते संगठन दी सामूहिक शक्ति दा नतीजा ऐ। मुखमंत्री रेखा गुप्ता होरें दस्सेआ जे बीजेपी सरकार दिल्ली दी तरक्की ते लोकें दी खुशहाली लेई बचने बज्झी दी ऐ ते इस लक्ष्य गी लेइयै सदा कम्म करदी रौहग।



## Ration Card Digitization

केंद्री खुराक, सार्वजनिक बं ब्रिकी ते उपभोक्ता मामलें दे मंत्री प्रहलाद जोशी होरें आखेआ ऐ जे मुख्य भरें च 100 प्रतिशत राशनकार्ड हुन डिजिटल होई चुके दे न। अज्ज लोकसभा चप्रश्नकाल दरान जिमनी सोआलें दा परता दिंदे होई मंत्री होरें आखेआ कि करीब सब्बे 20 करोड़ 58 लख राशन कार्ड डिजिटल होई चुके देन। उने आखेआ कि सरकार प्रधानमंत्री गरीब कल्याण अन्न योजना दे तैहत लाभर्थियें गी मुफ्त राशन उपलब्ध करोआ करदी ऐ ते एह योजना 2029 तोड़ी जारी रौहग। जोशी होरें आखेआ कि इस योजना तैहत औने आहले हर इक कुम्बे गी हर महीने हर जीs पिच्छे 5 किलो मुफ्त अनाज थहोदा ऐ।



## WMO

विश्व मौसम विज्ञान संगठन-व्ब्ल्यू.एम.ओ नै एशिया च बड़ी मती बरखा कारण खतरनाक दर्जे दे हाड़ें दी चेतावनी दिती ऐ। व्ब्ल्यू.एम.ओ नै जिनेवा च संयुक्त राष्ट्र दे इक संवाददाता सम्मेलन च आखेआ जे फिलीपीन्स, थाईलैं, वियतनाम, ते श्रीलंका सभनें शा मते प्रभावित होई सकदे न कीजे मानसून कन्नै जुड़ी दी तेज बरखा ते तूफान कन्नोन्नी आवा करदे न। उनें सौहगा कीता जे हाड़ इनें क्षेत्रें लेई सभनें शा मते खतरें



